



Broj:03-50- / ZUO  
Sarajevo, 25.08.2022 godine

**ZAPISNIK  
SA 14. REDOVNE SJEDNICE**

**Upravnog odbora Samostalnog sindikata državnih službenika i zaposlenika u  
institucijama BiH**

Na osnovu člana 39. Statuta Samostalnog sindikata državnih službenika i zaposlenika u institucijama BiH i člana 7. Poslovnika o radu Upravnog odbora, **dana 25.08.2022 godine sa početkom u 15,00 sati, održana je 14. (četrnaesta) Redovna sjednica Upravnog odbora Sindikata.**

➤ **Sjednici su prisustvovali slijedeći članovi UO:**

1. Salih Karčić, predsjednik Sindikata BiH
2. Radenko Mirković, zamjenik predsjednika Sindikata BiH
3. Branko Trkulja, zamjenik predsjednika Sindikata BiH
4. Rifet Hodžić, član UO Sindikata BiH
5. Adnan Hrapović, član UO Sindikata BiH
6. Sanja Skočir, član UO Sindikata BiH
7. Goran Ždrale, član UO Sindikata BiH
8. Miroslav Vujčić, član UO Sindikata BiH
9. Jasna Ramić, član UO Sindikata BiH
10. Mujo Rančić, član UO Sindikata BiH
11. Vanja Grabovac, član UO Sindikata BiH
12. Branka Petković, član UO Sindikata BiH
13. Dario Šegrt, član UO Sindikata BiH
14. Dragan Marušić, član UO Sindikata BiH
15. Zvezdan Jamaković, član UO Sindikata BiH
16. Saša Šešlija, član UO Sindikata BiH
17. Luca Zečirević, član UO Sindikata BiH
18. Ismir Olovčić, član UO Sindikata BiH
19. Vedran Čolo, član UO Sindikata BiH
20. Enis Ajkunić, član UO Sindikata BiH

➤ **Sjednici nisu prisustvovali sljedeći članovi UO:**

1. Davor Dujmović, član UO Sindikata BiH
2. Hajrudin Dumanjić, član UO Sindikata BiH
3. Miroslav Kovžan, član UO Sindikata BiH
4. Dejan Ružić, član UO Sindikata BiH
5. Naser Husić, član UO Sindikata BiH

➤ **Sjednici su prisustvovali i:**

1. Dženita Homorac, advokat Samostalnog sindikata državnih službenika i zaposlenika u Institucijama BiH
2. Jasminka Jažić, član SO Ministarstva odbrane BiH
3. Danka Govedarica, član SO Službe za zajedničke poslove Institucija BiH i član Savjetodavnog tima Sindikata BiH
4. Nebojša Lajić, član SO Ministarstva za ljudska prava i izbjeglice BiH i član Savjetodavnog tima Sindikata BiH

Zapisnik sa 14. sjednice Upravnog odbora je vodila Jasna Ramić, sekretar Sindikata.

Sjednicom je predsjedavao, te ujedno je otvorio i vodio predsjednik Sindikata BiH Salih Karčić.

➤ **Predsjednik je predložio sljedeći Dnevni red:**

1. Usvajanje zapisnika sa 13. sjednice Upravnog odbora
2. KOLEKTIVNI UGOVOR
3. Informacija o radu SO Izvozno kreditna agencije – IGA
4. Informacija o radu SO Ministarstvo odbrane/obrane
5. Razno
- 5.1. Izvještaj o odobrenim zahtjevima za jednokratne novčane pomoći članovima Sindikata

➤ *Nakon čitanja predloženi dnevni red je JEDNOGLASNO usvojen.*

## **Ad 1. Usvajanje Zapisnika sa 13.sjednice Upravnog odbora;**

Obzirom da na mail Sindikata nisu prispjele korekcije na Zapisnik, predsjednik Sindikata je zamolio prisutne da se izjasne na Zapisnik sa 13.sjednice Upravnog odbora.

- *Zapisnik je usvojen sa 17 glasova ZA i 3 glasa SUZDRŽAN (Branko Trkulja, Dragan Marušić, Zvezdan Jamaković).*

Mujo Rančić je predložio da se zapisnici sa sjednica Upravnog odbora dostavljaju ranije kako bi o istim informisao članstvo Sindikalne organizacije. Obzirom da se sa Zapisnikom članstvo sindiklanih organizacija upoznaje tek nakon usvajanja istog na sjednici Upravnog odbora, te da se zapisnici dostavljaju uz poziv i materijale za narednu sjednicu, na sjednici je zaključeno da se nastavi dosadašnja praksa, tj. slanje zapisnika uz poziv za narednu sjednicu.

## **Ad 2. Kolektivni ugovor;**

Predsjednik je podsjetio prisutne da je ovo tačka o kojoj se raspravlja na svakoj sjednici Upravnog odbora, kao i da se informacija o tome šta se do sada radilo po ovoj tački dnevnog reda na prethodnim sjednicama Upravnog odbora, može naći na WEB stranici Sindikata.

Predsjednik je predložio da treba nastaviti kontinuitet održavanja protesta, te s tim u vezi predložio usvajanje Odluke o organizovanju protesta 22.09.2022. godine.

- *Upravni odbor je JEDNOGLASNO usvojio Odluku o organizovanju protesta 22.09.2022.godine*

Također, predsjednik je prisutne podsjetio na zaključak sa 13.sjednice Upravnog odbora „*da se za potrebe održavanja protesta nabavi 50 pištaljki, 50 kapa i 3 transparenta*”, te nagasio da su bedževi nabavljeni, u fazi je nabavka kapa i pištaljki, kao i štampanje transparenta.

- *Upravni odbor je JEDNOGLASNO usvojio ZAKLJUČAK da se za potrebe održavanja protesta nabave tri transparenta.*

## **Ad 3. Informacija o radu SO Izvozno-kreditna agencije – IGA**

Članovima Upravnog odbora je u materijalima za sjednicu dostavljena Informacija sa dva sastanka održana sa Sindikalnom organizacijom Izvozno-kreditne agencija BiH, kao i dokumentacija iz koje se jasno vidi da je SO IGA određene iznose finansijskih sredstava koji su trebali da budu uplaćeni na žiro račun IGA-e (žiro račun IGE je sudskom presudom blokiran) preusmjerila na podračun SO IGA i sa tog podračuna isplaćivala plate zaposlenim u IGA-i.

Predsjednik je prisutne obavijestio da je, odmah po saznanju o činjenju navedenih transkacija, povukao svoj potpis sa kartona deponovanih potpisa i podračun SO IGA je blokiran. Također, predsjednik je Informaciju o eventualnim nepravilnostima u radu Sindikalne organizacije IGA poslao u Državnu agenciju za istrage i zaštitu –SIPA.

SO IGA od početka godine nije uplatila članarinu na račun Samostalnog sindikata SDSZ. Prema Članu 33. stav (1) Pravilnika o organizaciji i radu Sindikalnih organizacija: „U slučaju da Sindikalna organizacija u periodu od 3 i više mjeseci ne izvršava obavezu uplate članarine Sindikatu..... Upravni odbor Sindikata može donijeti Odluku o isključenju Sindikalne organizacije iz članstva Sindikata“

Dragan Marušić i Luca Zečirović su postavili pitanje kad se SO IGA uključila u Samostalni Sindikat državnih službenika i zaposlenika u Institucijama BiH, te kako se o istom nije odlučivalo na sjednici Upravnog odbora Sindikata.

Luca Zečirović je naglasila da je mišljenja da se ni jedna sindikalna organizacija ne može primiti u sastav Samostalnog sindikata državnih službenika i zaposlenika u Institucijama BiH bez saglasnosti Upravnog odbora.

S obzirom da SO IGA nije radila u skladu sa Statutom Samostalnog sindikata državnih službenika i zaposlenika u Institucijama BiH, kao ni Pravilnikom o organizaciji i radu Sindikalnih organizacija, predsjednik je predložio da se SO IGA isključi iz sastava Samostalnog sindikata državnih službenika i zaposlenika u institucijama BiH.

➤ *Upravni odbor je sa 19 glasova ZA i 1 SUZDRŽAN (Zvezdan Jamaković) usvojio ZAKLJUČAK da se Sindikalna organizacija Izvozno-kreditne agencije BiH (IGA) isključi iz sastava Samostalnog sindikata državnih službenika i zaposlenika u institucijama BiH.*

Također, zadužuje se Savjetodavni tim Samostalnog sindikata državnih službenika i zaposlenika u Institucijama BiH da do naredne sjednice Upravnog odbora, ugradi u Statut Samostalnog sindikata državnih službenika i zaposlenika u Institucijama BiH član o uključivanju sindikalnih organizacija.

#### **Ad 4. Informacija o radu SO Ministarstvo odbrane/obrane BiH**

Predsjednik je naglasio da su Zaključci Upravnog odbora koji su dostavljeni predsjedniku Sindikalne organizacije Ministarstva odbrane BiH, gospodinu Draganu Marušiću, jasni i precizni, te da je evidentno da Sindikalna organizacija Ministarstva odbrane BiH nije postupila u skladu sa navedenim zaključcima.

Predsjednik je prisutne upoznao sa zakonskim odredbama Statuta Samostalnog sindikata državnih službenika i zaposlenika u Institucijama BiH, i to:

Član 44. Statuta. „Upravni odbor Sindikata može donositi i odluke iz nadležnosti Skupštine Sindikata između dva zasjedanja Skupštine, stim što Skupština mora iste potvrditi na svojoj prvoj sjednici.“

Član 10. alineja 2, 3 i 4 Odluke o izmjenama i dopunama Statuta je definisano da: „Članovi UO Sindikata mogu biti opozvani i prije isteka vremena na koji su izabrani ako ne rade u skladu sa zakonom Statutom Sindikata i drugim aktima Sindikata“.

Prijedlog predsjednika je da se rukovodstvo Sindikalne organizacije Ministarstva odbrane BiH na osnovu navedenih članova Statuta suspenduju na period od tri godine.

Također, predlaže da se na osnovu člana 34. Pravilnika o organizaciji i radu sindikalnih organizacija, imenuje Povjerenik Sindikalne organizacije Ministarstva odbrane BiH na način da na stranici Samostalnog sindikata državnih službenika i zaposlenika u Institucijama BiH objavimo zaključak/Odluku Upravnog odbora, obavjestimo članove sindikata Ministarstva odbrane BiH o donesenoj odluci i pozovemo članove da se ponovo organizuju i održe Skupštinu i izaberu novo rukovodstvo.

Nakon provedene diskusije, koja je dugo trajala i u kojoj su predstavnici Sindikalne organizacije Ministarstva odbrane BiH dali argumente zašto nisu ispoštovani zaključci sa sjednice Upravnog odbora (tonski zapis diskusije može se preslušati u kancelariji Sindikata), prijedlog je dat na glasanje.

- *Upravni odbor sa devet glasova ZA (Salih Karčić, Radenko Mirković, Vanja Grabovac, Vedran Čolo, Mujo Rančić, Enis Ajkunić, Dario Šegrt, Miroslav Vujčić i Jasna Ramić), šest glasova PROTIV (Branko Trkulja, Dragan Marušić, Zvezdan Jamaković, Branka Petković, Sanja Skočir i Luca Zečirević) i četiri glasa SUZDRŽAN (Rifet Hodžić, Adnan Hrapović, Goran Ždrale i Ismir Olovčić) nije usvojio Prijedlog da se rukovodstvo Sindikalne organizacije Ministarstva odbrane BiH suspenduje na period od tri godine.*

## **Ad 5. Razno**

5.1. Izvještaj o odobrenim zahtjevima za jednokratne novčane pomoći članovima Sindikata

Izvještaj o odbrenim zahtjevima za jednokratne novčane pomoći članovima Sindikata je dostavljen u materijalima za sjednicu Upravnog odbora.

- *Upravni odbor je Informaciju o odobrenim zahtjevima za jednokratnu novčanu pomoć članovima Sindikata, primio na znanje.*

Branka Petković je postavila pitanje promjene radnog vremena, a vezano za mail koji je upućen svim članovima Upravnog odbora i predsjednicima sindikalnih organizacija.

Mujo Rančić je predložio da se predsjedniku produži angažman nakon odlaska u penziju.

---

**Sjednica završila u 17,00 sati.**

**Zapisnik sačinila:**

**Jasna Ramić**

**Predsjednik SDSZ-a**

**Salih Karčić**